

北京日報

第二百五十三册

四月初八日

代表人朱漢

宮門抄

四月初七日刑部 都察院 大理寺 鑲紅旗值日無引 見 文煦恭次壽物 命 張伯熙謝賞壽物 恩
山東副將韓友倫謝 恩 江南副將英和謝 恩 棍貝子回籍請 安 延會文紳德林預備 召見 英信請
假十日

召見軍機 延會 文紳 德林

四月初七日奉

旨棍布扎布現在請假所遺正藍旗蒙古副都統員缺着英慈兼署欽此

譯論

論中國之外交及形勢

(續初五日稿)

日本法學博士中村進午著

近來中國頗講究練兵。注意武備。提倡丁藥。然此等事。皆決其實質之精神。則直畫上之動物類焉耳。夫以一國之大。若徒羨外觀。而失其根本之精神。亦危險之道也。邇來中國人士。夏渡日本。學習武事者。頗不乏人。若此等人士。徒學形式之末端。而不求其精神之所伏。則直摹人形(草偶)而已。又中國有武備學。從事演習。亦頗可觀。然其効績。能實見効于戰場否。尙待疑問也。中國近時。每喜聘用日人。以任教練。然見其教師之履歷方法。實極亂雜。昔我日本維新草創之後。聘備外國之水夫。爲英語學校之教師。今中國之聘師。頗類此觀。其中亦有當教師而失敗者。有破廉恥犯罪而被法廷之處分者。有人材本極腐朽者。噫。支那依孔孟之儒教。榜正道。所謂中國之精神界也。至聘教育之師。而竟有此種之污穢。以此觀之。決不能視爲對岸之火災。而以膜外視之矣。據日本教育華人學校之事務員言。中國學生在試驗場中。不至(勒忍哥)(或落第)者。其稀也。又聞事務員爲取締該學生。暗以匿名說帖。投於學校中。此種之事。即向來我日本之慣例也。然留學生中。亦多以此爲無咎者。而卒有此種奇怪之事端。不大可驚駭哉。夫中國尙未與

國民信教之自由。對佛教以外奉他教者。尚無與公權。又對外國之傳教士。屢至迫害。據此以觀支那之中國。尚未進步之國家也。交通之機關未發達。國民之智識未伸張。國內之政綱未畫一。法有苛酷者。事有不備者。如鐵道稅關等利權。尚握于外人之手。又地方之租借。到處皆有之。且領事裁判。常干涉地方官之權。要皆表示其法制之不備耳。使中國畏英法。而親俄國。有不被其甘言所魅者。吾不言矣。是代為惋惜也。此次吾不能強促俄國把滿洲之兵撤退。則中國之對俄。徒示懦弱而已。至蒙古伊犁新疆等處。制禦俄國之跋扈。保障西北之疆土。誠是中國今日之難事耳。余念及中國之情形。竟無一事之可樂觀者。豈中國之前途。將於後之半世紀。見有變態歟。抑中國之勢力。關於運命而不能轉旋者歟。夫中國之事勢。似與我日本無關。然中國形勢之不定。直令一般東亞之形勢不定。一般東亞之形勢不定。則我日本實不能得沐太平之恩澤。恰似隣於火藥製造廠以居住。戰戰兢兢。不可不先備自家之安全者。日本國民。曾念及隣邦之懦弱。於己之不利乎。支那政府。亦曾念日本之謙遜。遜讓而感受忠告之言乎。是亦應大講究之問題也。

刊誤 昨日本報第二版第七行威化院當作感化院

要緊新聞

飛。各。法。律。大。臣。速。議。收。回。遼。東。法。權。○陸總憲寶忠奏陳安東十策已見前報茲悉十策之中尤以第十條收回遼東法權一條最關緊要昨經政務處飛咨法律大臣速議此事云 本館以此事最關緊要加意採訪今將陸氏原奏第十條特先錄出俾諸君先睹為快陸奏十條原文如下 十收回遼東法權查近日中外報紙記日本政府已編有管理遼東人民之法律將仿台灣之制設法院於遼東時遣其司法官吏如判事檢察等官來治其事決權為一國君主大權所寄豈容旁落且我國於租界地內尚有公然建設法院編纂法律派遣法官之舉苟使日本先啓其端各國從而效之一國之內法權林立尙復成何國體臣竊以為先宜改良法典繼之以改良法廷改良法典何宜因東三省之習慣而又折衷於各國之法典主義以編訂各種法律務適於中外人民之用而後已改良法廷者何宜仿照各國最新之裁判制度設初審裁判廳應於魏子窩普蘭店等小市以備人民訴訟之便設二審裁判廳於金州營口遼陽等

大市以備不服初審者之用設東三省裁判廳於奉天以備不服二審者之用蓋日本政府欲設法院於遼東者無非託詞於我之舊法不適於文明國民之用也若我能早經更張以視彼之法典及彼之法廷無甚懸異即足以問執其口而預泯其干預之心此事關係主權最為重要急切以圖之不宜再緩矣

周道私約有二○此次中俄議約俄人所藉口者乃係以道員周冕之私約為言則周冕當日之私約乃係今日中俄外交中之一大要案不可以不詳考也查周冕與俄人所立之私約有二一為奉天私約一為黑龍江私約奉天私約之緣起係因光緒二十六年拳匪肇亂俄兵入奉天前奉天將軍增祺派周冕到旅順與俄提督商議停戰靜候北京全權大臣李鴻章與各國議和而周冕即與俄提督訂立私約十一條每一條皆用一俄人以奉天省主權許俄增將軍聞之急派道員李席珍至旅順覓俄提督苦口爭辯將周冕所立之私約聲明作廢至於黑龍江之私約則係周冕在黑龍江充鐵路交涉局總辦時與俄公司私訂開採木植展寬鐵路地基之約此約私許俄人利權甚大約既立乃稟知黑龍江將軍薩保薩和軍將周冕之稟批駁而未派員與俄公司聲明廢約故今日俄人藉口以此約為言查外國有默許之例如不允從必需即時駁回否則外人指為默許每釀成重大之交涉周冕在奉天所訂之私約幸增將軍立派李席珍往與駁辯聲明作廢故俄人今日不能藉口此次中俄議約之時奉天省不致有棘手之事由此而觀外間謂增祺李席珍媚俄者尙不盡然也黑龍江之私約則薩將軍雖批駁周冕之稟而未能立即派員與俄人辯駁聲明作廢故今日不免為俄人口實周冕屢與外人訂私約以利權與外人官雖參革又已開復日在天津沉酣於花天酒地賣國奴罪可勝誅耶

議覆虛擬死罪讓察院主稿○修律大臣奏改虛擬死罪一摺奉 旨交刑部都察院議奏聞刑部以原摺係出自本部堂官之手因欲迴避故此案請察院主稿云

赴東查律員啟程○刑部衙門派赴東京考查法律各員已于初六日午車起程出京并悉此次赴東考查法律一共五員內饒昌麟 董康 麥秩嚴 以上二員係奏派 區天相 熙植 以上二員自備資斧同赴東京考查

規定奉天開埠地段○奉天開埠事宜亟須準備近聞趙次帥之意以西關附近火車站一帶地方寬濶且與省城不離因擬規定此處為各國通商之地云

日人在奉天賽會事未准○東京消息言近日日本商人雖有向其政府要求在奉天省城賽會之事但尙未定議

云云

川督請獎稅司寶星○川督錫清帥以重慶關稅務司洋員李華達在渝兩載關務日有起色三十年分取數至五十餘萬特奏請獎以三等第一寶星俾勉將來聞已奉 旨允准

平江縣亂民滋事○湖南岳州府平江縣去年秋收欠佳米價昂貴日前鄉民擁入縣城要求平糶痞徒乘機搶劫錢店當舖等項以至圍城罷市縣官羅某彈壓受傷刻下湘撫已派忠字二旗前往相機勦撫云 按事已見日前專電

願學堂開學○前門內西城根舊有願學堂一所將已頽圯邇者當事諸公重加修葺煥然一新學內規則亦已改良茲定於四月初七日辰刻開學云 按各省官立之學堂如湘學堂豫學堂蜀學堂皖學堂浙學堂豫學堂均均已成立演學堂亦已籌辦的款五月前儘可開辦學堂則去年早已提議擬舉唐少川侍郎主持其事侍郎辦事決斷想開辦之期當亦不遠京中學務日新而月盛矣

西捕被刺餘聞○日前本報上海專電有西捕頭被刺一則茲悉該西人被人害死在楊樹浦荒地之上此西人向在西牢充當守役年二十六歲前為英艦阿道號火夫後於一九零五年二月始充今職不知何故被人害死其致死之物係華人所用之藍帶緊縊於喉查死者袋內存有一日記簿一本記載銀錢數目捕房近日在該處捕獲形迹可疑之華人一名蓋因執有死者之表及表練故也惟該華人認有害死該西人情事係在尸身上竊取捕房業於昨日開堂審訊且擬從嚴查究云

德使蒙賞寶星○德穆使覲見辭行時 朝廷因該使穆默辦理撤退京津庚兵一事特製雙龍頭等寶星以賞之 按出使德國欽差大臣蔭星使滿任回國蒙德皇賞以寶星一座前經蔭大臣電聞今德穆使歸國 朝廷亦以寶星賞之禮尚往來固其宜也

鐵張兩尚書整頓部務○戶部鐵張兩尚書現決計整頓部務嚴查各檔房積弊掃除一切中飽營私之習並分日接見各司員照從前趨尚書圓卓對談辦法詳加攷問遇有才識通達留心部務者立刻派以差事其不諳公事之烏布一律撤差並擬改良計學館課程以算數經濟學通論兩門為通習科餘分銀行租稅貨幣國債四門任認習一門凡本部司員均須入館肄習不得如從前敷衍任意作轍云

學部審定教科書告示○為出示曉諭事照得本部現擬將中小學堂各種教科書及教授法參考書等詳加審定擇其善者頒發各省以便劃一學制凡書肆刊行之本及私家編輯稿本均可隨時郵寄本部呈請審定為此出示曉諭仰眾週知特示

選錄京外各報

五大臣電咨政府○端戴申大臣四月回國李欽使准四月接比使任澤尚兩大臣歸期未定均電告府 初一日南方報外部設外交館辦法○外部擬設外交館派張主政元濟為該館總辦聞其辦法係以什學館大學堂譯學館之畢業生奏調該部一面作為外務部司員一面作為外交館學生三年畢業給予獎勵凡在館者戶有薪俸嗣後使館參隨領事等差皆由外交館選用日內當具奏以便從速開館云 初一日南方報

商部註冊章程定期開辦○商部註冊章程駐京各使前有不肯承認之說聞現已由外部磋商允洽故商部已於日前咨會各公使定於中歷五月初一日開辦 初一日南方報

電請派兵嚴剿馬賊○日前盛京將軍趙次帥有電到京謂奉省馬賊出沒無常勢甚兇悍前在瀋陽城外突有馬賊擄斃日兵甫行議定賠款又於次日在城外有槍擊日商情事若不嚴為剿捕恐貽患無窮惟本省各軍不敷分布務請設法速派兵到奉實力搜剿務使淨絕根株以安商旅而弭後患 初六日大公報

盛宣懷奏撤上海勘礦總公司○盛宣懷奏請裁撤上海勘礦總公司撥款專辦管礦奉 旨外務部商部知道義國駐兵撤退○義國駐京公使照會外部聲明現奉本國政府訓令將義國駐紮北滿黃村之水師撤回所有兵房糧

贈與中國政府日前已將兵房各物拍賣矣 上海時報

記英法二使開議南昌教案情形○現聞南昌教案英法二使與外部開議後英使止索賠恤款約三萬餘兩 法使所開議之辦法如下 一懲官 除江撫及藩臬二司或已奉 明旨或尚待後命外並須將首府及新建縣又案將一員一併懲治 一懲紳 有紳士三人須加以革職之處分 一賠款 共賠銀七十三萬五千兩 一服禮 須由

該省紳士親至教堂賠禮並為被害之教士立碑以作記念 聞外部不能應允尚須堅駁 初一日中外日報

外務部預定判斷無約國罪犯新章○太晤士報云前有兩西人在湖南內地兜售軍火英國警察長前曾向該處

該兩西人亦即自盡外務部之當即電飭各省督撫嗣後再有未與立約國之人等情事
拿就近送往海關道署或洋務局照例判斷將判詞抄錄報部毋須由他國領事干預云 二十五日上海時報
法國擴張紙幣權於雲南○雲南大吏電告政府法國於鐵道工程均用法國紙幣是破壞我國之幣制宜如何對待
處希即核示云云 二十五日上海時報

比奧商爭攪喀新鐵路借款○比商前承借伊蘭路款為俄使所阻茲復攪借喀新路款並聞奧商亦正攪借此款
一南方報

府縣准用本省人○政務處新訂定官制知府知縣以下之地方官准用本省人不日將見明文 三月廿五上海時報
內廷擬設得律風○刻下北京 宮內及 頤和園兩處擬添設得律風通達各部以便消息靈通亦慎重拱衛之意也

初五日大公報

黑龍江將軍奏調人員○黑龍江將軍程德全奏調候補道李席珍候選道談國桂桂平候選知府于嗣興魁陞以上現
在奉天當差候補知府施煥李沛恩蘆漢鐵路當差候選知府黃致堯前翰林院庶吉士楊錫霖內閣中書王莘林分
省試用同知謝泰鈞兩淮試用鹽運判徐寬嚴 北試用通判潘恩霖候補廣西知縣林傳甲湖北試用知縣敖式滄
候選知縣劉崇忠揀選知縣史錫永安安徽優貢知縣杜師預安徽試用知縣楊雨霖湖北試用府經歷盧用章河南河
工候補縣丞王繼業等二十一員已於十七日奉 硃批著照所請 二十五日上海時報

條奏慎重交涉人員○聞日前召見軍機大臣時 兩宮垂詢用人行政之要旨某大臣面奏近年交涉日繁諸多棘手
總因辦理不得其人嗣後飭京外大員凡有衙署局所如係辦理交涉事宜均著選派精通外交熟諳法律人員充任
不得徒以曾經出洋數年者即委以熟悉交涉之重任恐滋貽誤務須慎重揀選方於公事有濟并陳興革利弊諸大
端所奏頗愜聖懷 兩宮深為嘉許 三月廿五日上海時報 以上本京

天津軍局總辦逝世○軍報商局總辦張門觀察振榮於初四日申刻因病逝世於初五日戌刻成殮云 初六日津
報

創議試行遼河輪船○奉天學務處繙譯宋槐稟請試行遼河輪船署謂東省路權已為外人所奪遼河航權似宜我佔
先著查營口至通江一帶商務頗盛若創辦行輪其利甚厚估計資本不過三萬金將來或歸官辦或歸商辦均可現

擬先查勘水勢測其深淺由營口以至上游可行至何處為止繪具河圖按其形勢然後再定船之大小淺深云云趙
次帥以該員所稟極有見地已批飭商務局核議俾可提倡開辦免為外人捷足 初一日申報

通飭營官開呈履歷○練兵處日前咨照各省將各營員弁開具履歷日前湖北營務處特發傳單通知各營統領管帶
等各員迅將姓名出身履歷詳細開呈以便轉咨練兵處各統領等均已遵照辦理 三月二十七日漢口公論報
監督閱操○練兵處派赴湖北之張監督在南湖閱兵台觀馬隊昨日又同張統領彪等在打靶廠閱砲兵操詳加考察
至晚六句鐘始返 三月二十七日漢口公論報

基圍冲决之慘狀○廣東肇陽四會縣離城數里之某基圍二十二日被水冲决水勢迅發附近禾田悉被淹沒附城街
道水高盈丈闊開大戶避處高閣其小伏貧家則奔上岡頂棲宿迴顧街市有如澤國城外高街地方冲塌民房三座
該鄉來往省城渡船因水勢過急不能開行經有數天避水難民風餐露宿慘苦萬狀未審有人籌議賑卹否耳 三
月二十五日廣東嶺海報

江西教案訊定名單○魏得勝 譚金剛 謝玉龍 周老二 以上四名供在教堂毆打洋人縱火焚堂前已與英
領事會審拍照定案 劉狗子 楊大盈 以上二名供在老貢院迫王安之至二道橋毆打 劉井脚 端王面

又至三角塘打洋人下水又放火燒城外天主堂 羅中秋 供打王安之毀法文學堂及英救主堂 周之秀 供
從將軍渡追洋人回三角塘打下奪物 吳老五 供城外扯打洋人 吳紅眼晴 供用扁担打洋人 任廷發
供在三角塘打洋人以上七名為開法教堂要犯與上四名皆為打洋人焚教堂之重犯此外二等為搶衣物之犯約
二十餘人三等為搶拾物件之犯二十餘人不列等為未定確供之犯十餘人尚有數十人無供證者均先後開釋
三十日新聞報

稟請仿造外洋輜重車○駐鎮南洋常備第六標巡防第八隊統領袁熙龍具稟江督略謂東西各國陸軍輪運輜重均
有隨營車乘目下整頓陸軍似宜仿效辦法酌添車乘若干偶有調遣不由地方官供給最為便速請飭兩江督練總
辦會同參謀處籌議妥定額數並照東西各國陸軍乘車式樣仿造 二十九日申報 以上各省

舊金山留學生無恙○舊金山地震中國留學生均無恙 初一日上海時報

舊金山地震之消息○太平洋商會公報總理人陳方知傷人約五千名傷死者

未知目下該處已用軍律管轄許出境不許再入四面以陳軍圍繞之精食甚多遭難之人患病者尙甚少金山地面之毀壞者已居全部四分之三又駐滬美總領事接得一電云各郵船暫不由舊金山來滬第十六街附近之米仁街地面裂一大口糧食車現在每日來往四次以供給難人現在火勢已止舊金山因係由軍律管轄故凡有搶掠之人一經拿獲立即槍斃不復候訊各銀行所存之貨幣幸均無恙凡損失於火者各保險行已允賠償自來水管已經從速修整又駐滬美總領事初一日又接舊金山來電云舊金山已毀三分之二損失人命約五千名焚斃於火者四十名目下火勢已稍息城中則以軍律管理自來水雖少幸尙敷用糧食由各處紛紛運來患天然痘與疫症者甚少德律風已復行修整自來水管亦已修整火車由舊金山往美國各處者均不收車資故出境之人已有數千名渡船之碼頭房屋雖未爲火焚毀然已不能用矣各種危險之事似均已滅跡但尙有地震而以初一日午後三點鐘爲最猛自大地震以來以此次爲最烈 初一日中外日報

意報論德○香港德臣報接電云意大利各報館因此次維蘇威士火山之災一事德國未有弔慰以故該報館談論及之謂以各國弔慰之事衡之而德仍無一言又各報館以德皇電致某公爵之電文有恐嚇意國之意 香港華字報中美合同未立○中國政府不允與美國定立巴那馬合同並言此項招工事宜當與美國華人入境問題一律開議 滬報 以上各國

譯電

倫敦泰晤士報評論薩欽使○西歷四月三十號路透電云倫敦泰晤士報近作一短評極口稱贊現在駐中國欽使薩道義君署謂我英與中國所辦交涉皆極重大之件 薩欽使能一一議妥悉協機宜(按中英藏約書押在即泰晤士報所言或即稱其訂結藏約之功)是真能稱使臣之職者云云

法助英議土埃交涉○同日又電云法京巴黎日報著一論說謂前各國在阿爾支士拉士會議摩洛哥國問題時英法援助法國得種種權利今英國於土埃(即土耳其與埃及)交涉事宜殊多棘手法國必當記念前事於土埃交涉力助英國以爲酬報云云

摘譯東西各報

英使欲教案早結○駐京英欽使大約于十日內動身回國是以該欽使盼望南昌教案於英國之有關係者甚願十日內了結 (譯京津西報)

港官補受駐京欽使○聞香港英撫有補授駐京英欽使之消息查香港英撫係本埠開平羅局之總辦男森氏之胞兄云 (譯警衛西報)

空中飛行家來滬○西人帕拉伊於二十六日由日本到滬彼係發明空中飛艇及駕馭輕氣球者彼生平飛行空中已歷七萬餘次一俟佈置完備將在上海張園一獻其技云 (文匯報)

請借兵器○遼陽電奉天奉馬集附近地方近有馬賊蠢動該地方人民擬向日本軍政署借用軍器以爲防禦云 (譯日本報)

新疆稟設俄文學堂○新疆塔爾巴哈臺辦事大臣現因中俄交涉日繁昨向政府稟請派遣通蒙古語之官員在該地創設俄文學堂云 (日本國民報)

牛莊驗疫施行○奉天牛莊港近以神戶大阪兩地疫病流行凡有由該兩處所來之船自陽歷三月二十八日起必須驗船始准客人登岸云 (國民報)

商部曉諭吉黑二省紳商○燕京電商部對吉林與黑龍江二省紳商代表者曉諭客謂先開設商務會使官民同心協力以期開拓利源但現在經營各事因資本尙未籌集不便遽與以諸種權利云 (大阪朝日)

督促俄國撤兵○俄國在滿洲撤兵之遲延延經英美兩國向俄國甚爲注意屢致督促又日本按照條約亦對俄國屢有催促之議因此俄國不久當實行撤兵云 (大阪朝日)

俄議漁業問題○海參威電俄京爲急與日本議漁業問題現開公所召集委員開始協議會 (時事新報)

韓皇教育勅語○韓京電韓皇嘉納伊藤侯之奏章昨下教育勅語如下 歷代以來國作人材莫不以教育爲急務庠序學校之設即是也蓋學校立而人材造人材造而治化擴矣國家教人之法備而閭巷之庶民無不學曉近教育之法浸廣至治道不明國勢不振故今日之急務須以興學校養人材爲根本務使愚魯之民皆成賢良而國

則不期年而其功必倍蓰于列邦矣今擬令學部廣設學校各府郡亦倣效興學專心講究教育之法待其業成以俟國家之需用其子弟有及年而不就學者則罪其父兄若子弟有不率教中途廢業者亦并論罪云云(時事新報)

專件

九廣鐵路工程

按九廣鐵路屢經粵督與港督爭論復經粵督電外部與英使力爭今聞港報載有英國與辦九廣鐵路工程用函登錄○九廣鐵路工程○九廣鐵路由大埔至老甫之一段約八英里地基今已興築甚妥九廣鐵路工程前由某公司承攬惟數年來尚未開工今福制軍抵港後注意一切始得興辦從英國僱有工程師來港測量勘定乃擬興工迨軌道路程測定後將所應經過之地段政府早已購備當時各地主猶未知悉及至路工已動各地主如夢初覺九龍至大埔之鐵路由政府料理妥當後即飭工務局與辦委員加邊打常川駐紮大埔專辦大埔至英新界鐵路事宜加委員到差後遍閱路程一週經歷之處每百尺路豎立標記一幹其標記註明該處地基應築幾許高下為誌每段則掘一孔於當中為記其孔寬十八英寸深六寸此孔之左右各掘一小孔以為路界寬濶之界限此等工程已於西正月已告竣當培墊路基由大埔田隴築長路一條高約十二尺即由該路左右附近之山取坭填築初時人以為此等坭恐不相宜惟填築路後始悉其堅固近來新界迭經大雨淋漓而所築之路未嘗變動地基面寬十七尺六寸以成單軌而路旁猶留餘地以備後來築雙軌之需大埔至大埔斗之路基今已築起仍俟坭土堅實方安置鐵軌路基各處之疏水坑將架用鐵橋以備車行沿路由大埔斗至惠斗山方用鋤平掘深四十尺工程師意以為掘掘一節可以緩辦當先以填地為要務由惠斗至泰興已填地基不日可以竣工惟此處土人以築路為阻礙掘掘土坭有妨地脉迨與紳耆熟商將就二百碼遙之地取坭乃得各工人復允操工此路之築因風水釀成滋鬧者僅此一次耳雖沿路開有墳場而紳耆早經酌遷別處以故未有因此吵鬧也此路直至高陵約有半里路從山傍經過以後可由田隴而行讀處須填築地基方能至芬嶺開通芬山後猶有嶺一二崗陵所當洞穿而過可抵界邊後之工程頗易就手究之全路均無難辦工程近芬嶺左右有水坑纏繞四匝當鋤築水坑半邁路長庶足將此木匯流而下可省築橋四度之費此次工程之特色者工人未嘗鬧事其工人均就地僱用即少有雀角該處鄉黨紳耆出為調處便可排解各處所用男女工人之多有一千五百之譜

此數日節近清明日中操工僅有千人而已又聞工銀甚廉操作亦甚妥當現填地基已至二里七五遠尚有里許不日正成至洞穿山孔之工經已興辦然尚有許久乃可告竣鑿山則備用雙路築地則備用單路蓋以鑿山維艱不得不先預備雙路也計現時工程如此約十二閱月可成路工現仍交工務局料理不日另派專員接辦以上是由大埔而往之工程九龍至大埔一路較覺畧難由九龍城附近獅頭山常洞穿而過約里半遙西報云大抵兩年內本港政府可以辦成此路工矣惟工程師則謂二年時日無多恐不足用無已准以四年期限可手

稟請電催三省紳商接收路事

王觀察秉恩向觀察萬日前會銜具稟兩廣督轅請催粵湘鄂三省紳商接收粵漢鐵道交代其稟畧謂職道等於光緒三十一年九月十二日奉憲台札開准湖廣總督張電粵漢鐵路鄂湘粵三省合力贖回自辦委職道等督同馮牧嘉錫朱牧祖蔭就近會同粵紳接收合興公司在粵路工一切產業分別造冊呈繳等因奉此職道等遵即督馮牧嘉錫同溫道宗堯黃道仲良梁紳慶桂黎紳國康前往接收經將設局接收情形具摺呈報嗣經湖廣督憲張以路事關係三省應派在粵籍紳商鄂人員會同接收以昭慎重先後電請憲台委職道萬並馮令汝梅會同接收所有合興公司存交在粵各圖契部籍儀器用具路軌枕車房棧物料一切產業并九月十二日起至十二月底止接收局用及省佛三水枝路行車處黃沙貨倉收支各銀數收發各物料均經分別造具清冊先後呈繳粵漢鐵路奉憲台暨湖廣督憲張湖南撫憲龐奏明三省會議公共條款第八條載廣州已成省佛之路所得車利應專充贖路之款仍按鄂一湘三粵三攤派又第九條載合興公司已築粵境幹路工程及未用材料應請派員確估價值若干由粵省認繳按鄂一湘三粵三分領又第十條載合興公司已購粵境幹路地基應核查契載款目由粵省認出歸鄂一湘三粵三分領等語按枝路車利專充贖路款一條前經廣東粵漢鐵路總局以省佛三水枝路核計至本年二月底止約存銀一十五萬員撥抵本年三月十三日應還匯豐息銀尙短英金九千七百五十磅稟請臺核飭廣州總商會按期籌繳並分電湖廣督憲張湖南撫憲龐飭籌備付在案現在粵商股已有成數一俟公舉權理有人即將路事交商收管及早興築惟省佛三水枝路係鄂湘粵三省公產車費歲入數十萬關繫贖路稽核收支款目考察行車利弊責重事繁急應早日交代以清經手擬請憲台電商湖廣督憲張湖南撫憲龐迅飭鄂湘粵三省紳商公舉紳商速即來粵將贖道等接收合興公司在粵一切產業按冊點驗妥為接管抑或即歸粵商暫行經理俾得交代清楚至已築粵境幹路工程及未用材料價值若干

接辦時再行公同確估又合興公司已購粵境幹路地基契據不全並乞憲台電請湖廣督憲張將派員在塘接收契狀寄粵以便核實為公便云

批摺摘由

四月初六日摺片十八件

袁世凱 天津鎮總兵因病出缺 另有旨 趙爾巽 體放展放札克薩圖各荒情形 該衙門知道 又停止世職俸銀 戶部知道 又趙錫桓等正法 該部知道 又奏調人員彙案奏咨 該部知道 又維治等簡放佐領 該衙門知道 又錫齡阿赴引 知道了 又永興補驍騎校 著照所請該衙門知道 趙爾巽 請酌加官兵津貼銀兩 著照所請該衙門知道 龐鴻書 三十年分新舊錢糧完欠數目 戶部知道單併發 又林澤銷去察看字樣 著照所請吏部知道 又潘運鈞暫緩赴任 吏部知道 又張元奇署岳州府 吏部知道 又朱國華丁憂 吏部知道 又請以黃國瓊補興甯縣令 吏部議奏 又特奏疏脫統犯越獄巡檢吳承恩革職 著照所請該部知道 又鄧傳祿等命案彙奏 刑部議奏 袁世凱 永定河凌汛搶護平穩 知道了

四月初五日

禮部奏十七日忌辰服色事奉 旨知道了 又奏二十九日忌辰照例素服事奉 旨知道了 又奏山東棲露縣烈女李五婦請 旌事奉 旨依議 又奏山東蘭山縣烈婦遠盛氏等請 旌事奉 旨依議 又奏山東壽張縣烈婦宋楊氏請 旌事奉 旨依議 又奏酌擬推廣舉優章程事奉 旨依議 御前乾清門吏部兵部各奏月摺均奉 旨換出 太常寺奏十八日常零禮祭 天壇請 派祝牲看牲事奉 旨派出恭親王溥偉陸寶忠 又奏請 派贊引讀祝等官事奉 旨派出常清 景明 正紅旗滿洲奏署佐領圖記事奉 旨知道了

政務處一件

工部 核銷直隸淮軍采辦軍裝等項用過銀兩 旨知道了

奏稿

出使日本楊密陳游學生在東情形摺

奏為密陳學生在東情形及籌擬辦法恭摺仰祈

聖鑒事竊維政治之隆風俗之美胥賴教育選派學生出洋留學

實祇教育之一端奴才初抵任時在東官費自費學生僅逾千人日增月盛迄於今日已至八千餘人 朝廷號令於上

疆吏奉行於下可謂盛矣然其所以驟增之故蓋有數端 詔停科舉注重學堂而學堂之出身不如出洋留學之易而

優一也自天津上海至日本東京僅六七日之程較之由府縣入省會學堂由省會入京師學堂其途逸相等二也挾利

祿功名之見而來務為苟且得一知半解之學而去無補文明此奴才所為日夕殷憂而不能已於言者也日本普通學

堂專為中國學生設者如成城學校等三四處尙稱完備然不完備者則不下十餘處有以三個月畢業者有以六箇月

畢業者甚至學科有由學生自定者迎合學生之意學生即喜入之而不能禁此普通之不可恃也日本高等專門各校

及大學校皆有定額中國學生年增數倍而學額不能增奴才履商日本文部省有難詞即能增額亦難容此數千之眾

況後來者尤難預計此高等學堂之不能容也學生在東習普通者以兩年半畢業此兩年半內僅習日本語文猶慮不

足其他學科往往有名無實近並兩年半畢業者亦寥寥其人此普通學之不可信也日本學生自小學起每試驗皆合

格至入大學亦須十四年若是其難而中國學生到東年餘在本省又未預備甚或國文亦未盡曉遂俾入大學三年

畢業一試獲薦出其強不知以爲知之學說以應世用其貽害可勝思耶故雖大學及高等畢業者亦未可盡信也所入

之校屢遷所習之業無定學費則一省以一省爲例補學額則一府與一府爲仇仇至茲竊之案亦見不一見貽笑外

人莫此爲甚清源正本惟在慎選擬請飭下學部嚴定選派學生出洋留學章程一在本省學堂須有五年資格者一預

備日文日語兩年以上者一如學生到東有不法行為及倡異說者惟原咨送官是問一指定學生學科應入何校到東

以後不得更改各省將軍督撫既慎以選擇於前奴才復嚴加甄別於後庶學界可以少安抑奴才猶有請者學生爭競

多由各省官費不齊官費之中有可預定者如學費旅費暑費是也有不能預定者如醫藥費書籍費是也應請 飭下

學部審定官費劃一章程奏請 通飭各省將軍督撫欽遵辦理斯可以平羣張之氣亦藉以養廉恥之道奴才爲整頓

學務起見是否有當伏乞 皇太后 皇上聖鑒訓示謹 奏

奏為請覆名宦鄉賢事內開抄出江蘇巡撫陸元鼎奏稱已故江蘇淮安府知府顧思亮忠貞廉潔等語

奏為請覆名宦鄉賢事內開抄出江蘇巡撫陸元鼎奏稱已故江蘇淮安府知府顧思亮忠貞廉潔等語

奏為請覆名宦鄉賢事內開抄出江蘇巡撫陸元鼎奏稱已故江蘇淮安府知府顧思亮忠貞廉潔等語

方學問純粹又調任山西巡撫張晉奏稱已故山西廩生郭凝然內行修明學問純粹又河南巡撫陳夔龍奏稱已故湖北荊州府知府陳夢蘭才裕國華品推鄉望又前閩浙總督李興銳奏稱已故直隸武邑縣知縣陳池養立品端方持身謹恪均請入祀鄉賢祠先後奉 硃批禮部議奏欽此欽遵各到部查定例崇祀名宦鄉賢該督撫學政每年八月前具題並將事實冊結送部查核於歲底彙題又崇祀名宦鄉賢應確核事蹟倘名實不能相副及僅以人品學問空言譽美者即行指駁等語又光緒五年奏准各省名宦鄉賢須俟其人身歿三十年後方准題請等因在案今據該督撫送到事實冊結內開已故江蘇淮安府知府顧思堯甘肅舉人咸豐十年山陽縣署任時值捻逆竄擾清江直撲淮安其事岌岌督率士民登陴固守該縣迭次來撲均經擊退迨同治元年捻匪又遣其悍黨分出焚掠郡城戒嚴仍督民團殲力防守晝夜梭巡不辭勞瘁居民恃以無恐縣西鄉高潤岔河雙溝黃家集等處係淮西街道為捻匪東竄要隘力行堅壁清野之法親詣各鎮集規畫形勢築圩挑濠修建圩門砲台並諭各屬邑一律照辦旬月之間剋期蒞事地方賴以安全屬邑水利河工開墾涵洞無不推究利病設法修復如洲河涇河開河車橋石塘圩工二八涵洞等項工程一經紳民籲請立即籌款興挑數十年來灌溉有資水旱無患萬民感戴歷久不忘已故湖北荊州府知府陳夢蘭河南進士操守清正遇有公事勤獎懲一秉至公因萬城大隄線亘二百四十餘里為下游數州縣生靈保障而隄身日圯江心日淤到任即募工修築經費萬餘緡庚午江水暴漲全隄幾瀕于危故官駐隄梭巡設法堵築二十晝夜永無停晷卒得化險為平當江之漲也險工林立拾險費虧至巨萬有以嚴徵土方銀稍資彌補為言者故官以水患初平人心甫定不忍遽加催科重滋民累是歲徵徵土方銀萬餘兩捐廉任之荆郡向有清節堂官嬰堂孤貧所年代既久漸成故事故官力加整頓務期于民有濟自此窮瘼疾無告之民未有失所者水面素多盜賊為商旅患捐廉添置砲划十餘支以資護衛南門外坡岩款窄往來行旅以為苦捐資展拓修築寬平行人便之已故江西鄱陽縣知縣沈衍慶安徽進士生平學期實踐不尚空談公餘之暇手不釋卷得平湖陸清獻文集日此吾師也父作舟車繼母孝撫異母弟極友愛襲久析紳通籍後合析爨以慰親心任興國時丁外艱刻日交卸回籍入里門一櫛幾絕服闋補泰和縣迎母在署色養如童時歲時祭祀垂泣日祭而豐不如養之薄也曾為祖父愛敬之人必優加禮貌雖極不堪亦各如其意日毋傷親心也凡表揚名立節等事無不勉為本家子弟無力應試有大故不能舉每周郵之里有貧不繼富爭繼之俗紳于遠房之無後者

設法置產俾人承繼道光二十八年歲大饑罄囊得三千金在支祠內開廠平糶復資粥賑極貧者二年不能稍解服官江西十四年應任五縣所至有聲咸豐三年九江陷糧船水手訐居民喧傳賊舟泊城下紳策馬沿城呼曰此土匪謠言為劫掠計耳即馬上手佩刀決二匪首餘黨帖伏請于郡守曰漕運不通此輩衣食無資不為賊即為匪羈得宜皆勁旅也部勒之厥後援省城奪馬鎮軍濟美屍于永和門外斬獲甚夥回軍守鄱旋即陣亡著有槐鄉遺稿政蹟各卷已故山東鉅野縣訓導李元錕山東舉人東髮受書即知好學家故寒素幼時每飯見餘糧無多輒輟食以奉父母及長仰給舌耕奉雙親甘旨無稍缺母病劇焚香告天願以身代母病旋愈後八年丁母憂一遵禮經備極哀毀三年內食粗糲絕聲色事父益謹服勞奉養先意承志十餘年如一日族黨戚友以孝稱教人嚴而有法教讀四十年不計館金講誦之餘凡一話一言一舉一動毫無苟且常購朱子小學置案頭每分與學者使之切己體察以資身心之助司鐸鉅野時值髮逆蹂躪文教廢弛履任後詳立課程務以東身名教植品端方勿徒以文采自詡於尚志書院也年已七十餘終日危坐無情容每日讀周禮數頁取進思錄居業錄二書與學者開明其理有註釋五子近思錄十四卷註釋居業錄四卷而星野一編尤該宜所推測識者莫不服其考覈之精焉已故廩生郭凝然山西榮河縣人潛心性道不求聞達著書立說多所自得胸懷瀟灑有光風霽月之致著有拍崖稿一書皆深得之語不拾前人牙慧自成一家以為中庸一書朱子既為定著章句又取石氏輯錄刪其繁亂名以輯略且為紀其論辨取舍之意別為或問可謂明且盡矣然世之為士者於輯略或問既不一之讀而於章句之說又或讀而未曉於是其西山大學衍義著為中庸衍義而道學以明又以為天地人並立為三才天人有理地詎獨無理乎而世俗惑於陰陽家言必欲為富貴利達之計前輩力破其說誠為正論然恐於幽明之故有所未盡似亦過之因本范子卜宅逃避五患之說暨朱子風順地厚山拱水環之意推而廣之著為地理中庸一書使人知所適從於河圖洛書尤為精邃著有河洛經世一書多發先儒所未發著作頗富惟多未刊行惟河洛一書曾經刊布是以流傳頗廣已故湖北荊州府知府陳夢蘭河南進士事親極孝先意承志曲盡歡心鄉捷之其父適臥病例應赴省填親供堅不肯往以嚴命敦迫不敢違草草竣事即旋越日而其父乃逝殆亦孝心格天之驗居喪哀毀骨立雖所寒暑未嘗離苦塊於音樂誦會概行屏絕慎終之禮則一切從豐兄弟五人待之篤厚數十年如一日待子姪無畛域有過則撻責之不少貸未嘗稍存避嫌之見任郵陸歸為於故舊同邑縣貢士殺於京邸一切相悉代為營柩槨賴之得歸業師病故都中棺衾諸費皆一人擔辦地方有貧乏之事知無不為之謀

惜地飢民嗷嗷待哺請於官道開倉賑濟全活甚衆通籍後廉傳所入得以分贈戚友凡有過於饑寒而嗷嗷者無不
應發仕二十餘年除公服外未嘗製一新衣嘗目誦曰惜衣惜食非爲惜財實惜福可以觀其守矣已故直隸武邑縣
縣陳池養福建進士凡歷數縣所至案無留牘獄必以情不妄摧折而強暴不得逞惜民力恤民隱民甚感之奉諱歸里
卽修太平南安工陂蓋受西北之水匯而爲坡一溉輿數里一溉九里洋田甫中南北洋水道凡一百六十餘條溉農田
三十餘萬畝爲金甯攸係日久淤淺十日不雨民有乏水之憂時總督力任修復知故宦修坡著成效以其任委之乃按
畝購資以爲運泳瀉海之費溝渠深廣逾於昔日荷包瀨係南洋水道咽喉而寶勝溪橫衝之每遇大雨溪流挾沙而壅
塞之日久而高與灘同故宦就溪中逐層伐石銷築俾河石不得挾急流而下而木蘭之水可以直灌南洋害除利興農
夫舟子爭頌焉歸田後掌教玉屏書院時嘗講習管輅戰慎餘書屋文集中所言皆修身切己之事以行爲本以文爲末
虛心篤學至老不憚所著慎餘書屋詩文集皆陽水利志等書稿凡四五易均是正書無一筆草草者人以爲有司馬溫
公之風各等語臣等公同酌核該督撫等請將顧思堯陳夢蘭入祀名宦祠沈衍慶李元綱郭凝然陳夢蘭陳池養入祀
鄉賢祠之處均屬名實相符身歿年例亦符擬請准其入祀名宦鄉賢祠所有臣等遵議名宦鄉賢緣由是否有當伏乞
皇太后 皇上聖鑒謹 奏請 旨光緒二十一年十二月十九日具奏本日奉 旨依議欽此

四月份驗看人員掣簽名單
郎中朱景邁工部傳國屏刑部主事陳蔚文戶部章祖信戶部謝瑜元兵部甘應泉刑部石昭祚刑部郭鳳臺戶部何蕃

修兵部梁念慈戶部胡國黎刑部成元鐸刑部韓景忠工部內閣中書許寶蓀趙毓璜王憲燾胡熙壽部寺司務馬祖乾
刑部太常寺典簿汪德溫道員路槐卿吉林維忠堯江蘇馮汝恒山東知府寶勳江蘇張祖圻山東善昌甘肅彭世桐甘
肅同知何樞江蘇孔昭慈豫河成木璞浙江直隸州知州賈裕師山東知州岑郊麟陝西許寶奎陝西通判吳昌燕山西
陳景思福建孫家鈞湖北辰炳勛山西直隸州州同羅葆廉安徽知縣周廷鑑直隸陳鍾直隸姚應泰浙江朱沛浙江孫
紹香湖北方明鏡陝西陳日新甘肅牛廷禧南甯魏寶甫江蘇沈師曾江蘇孫鴻猷江蘇陳學鑑江蘇陳嘉言江蘇裴祖
桂安徽尹克成山東梁德潤山西金維藩江西童光旭江西王世芸湖北李同福湖北彭繩祖湖南邱誠中廣東黃增瑩
浙江劉榮敏山東李如棠廣東蔡寶廉安徽鹽大使鹿學厚兩淮張國柱福建劉茂恒兩浙布庫大使劉樹德山東縣丞
劉振勳雲南巡檢史恒勤四川從九張彬修吉林徐瓚江蘇吳均元江蘇李振鵬新疆典史范啓銘直隸未入流張鴻翰
山西陳壽圻江蘇